



## СИБЭТИЭЙ ИУДА\* АПОСТОЛ ИЛДЫТ СУРУГА

**1** Аҕа Танара сибэтии gymмыт\*\*, Иисус Христос араначчылаа-быт ынгырыылаах дьонугар — Иисус Христос кулута, Иаков быраата Иудаттан.

<sup>2</sup>Эһиэхэ Танара аһыныгас санаата, эйэтэ, таптала үүнэ-үксүү туруохтун!

### *Сымыйанан үөрэтээччилэр*

<sup>3</sup>Таптыыр бырааттарым! Эһиэхэ барыбыт быһһаныбыт туһунан суруйардыы ис сүрэхпиттэн соруна сылдьан, сибэтиэйдэргэ\*\*\* биридэ букатыннаахтык бэриллибит итэҕэл иһин туруулаһаргытыгар ынгыран суруйары уталыппат сөп дии санаатым. <sup>4</sup>Былыр-былыргыттан бу Дьүүлгэ анаммыт, Танараны билиммэт дьон бииһиги кэккэбитигэр биллибэтинэн-көстүбэтинэн өтөн киирдилэр. Кинилэр содур олохторун көмүскэнэн, Танарабыт илгэлээх үтүө тапталын токурутан кэпсииллэр, соҕотох Улуу Баһылык Танараны\*\*\*\*, Айыы Тойоммутун Иисус Христу, билиммэттэр.

---

\* *Сибэтиэй Иуда* — Айыы Тойон Иисус Христос эрэллээх үөрэнээччитэ уонна чугас аймаҕа (убайа эбэтэр быраата). Ол гынан баран кини сэмэй суругар бу туһунан ахтыбат, «Иаков быраата» эрэ дэнэр.

\*\* <sup>1:1</sup> *Аҕа Танара сибэтии gymмыт* — сорох былыргы гректии илиинэн суруйууга «Аҕа Танара таптаабыт».

\*\*\* <sup>1:3</sup> *Сибэтиэйдэр* — Танара дьоно.

\*\*\*\* <sup>1:4</sup> *Улуу Баһылык Танараны* — сорох былыргы гректии илиинэн суруйууга «Улуу Баһылыгы».

<sup>5</sup>Төһө да итини хайы-үйэ билбиккит иһин, мин эһиэхэ биир суолу санатыахпын баҕарабын: Айыы Тойон Бэйэтин норуотун Египет сириттэн быһаан таһааран баран, итэҕэй-бэтэхтэри кэлин имири эспитэ; <sup>6</sup>оттон дыһун былаастарын харыстаабакка, олорор эйгэлэрин хаалларан барбыт аанһаллары, Дьүүл улуу Күнэ үүнүөр диэри, аллараангы им-балай түгэбэр үйэлэр тухары сыаптаан сытыарар. <sup>7</sup>Кинилэр курдук эмиэ содур быһыыламмат, түктэри дыһынна ылларбыт Содом, Гоморра уонна ол эргиннээҕи куораттар олохтоохторо, сэттэригэр умуллубат уокка умайаннар, сэрэтэр холобур буолбуттара.

<sup>8</sup>Олор курдук бу «көрүүлэнээччилэр» эмиэ бэйэлэрин кирти-тэллэрин ааһан, Айыы Тойон былааһын билиммэттэр итиэннэ килбиэннээх Аанһаллары үөҕэллэр. <sup>9</sup>Бэл, Михаил Архангел өлбүт Моисей этин-сиинин туһуттан адьарайдыын мөккүһэллэригэр буруйдуур-хомуруйар тылы туттубатаҕа, арай: «Айыы Тойон эйигин бобуохтун!» — эрэ диэбитэ. <sup>10</sup>Балар буоллабына оннооҕор тугу билбэттэрин кытары үөҕэллэр; оттон дьиикэй кыыл курдук айылҕалара тардарынан эрэ билэр суоллара кинилэргэ алдьанар-сатарыйар төрүөттэрэ буолбут. <sup>11</sup>Сор-мун күүтэр бу Каин суолун кэтэр, барыстанар баҕаттан Валаам курдук аһыыга-хараҕа батыллар, Корей курдук өрө туран өлөр дыһуну! <sup>12</sup>Таптал Аһылыгар түмсэргитигэр кинилэр эһиэхэ моһол төрдө буолаллар; бу бэйэлэрин эрэ көрүнэр маньыһыттар, саатар диэни билбэккэ, эһиэхэ аһыы эрэ кэлэллэр. Бу — тыал кыйдыы сылдыар кураан былыттар, ас биэрбэтэх, икки төгүл өлбүт, төрдүлэриттэн түөрүллүбүт күһүҥнү мастар; <sup>13</sup>сааттаах быһыыларынан күүгэн аллар байҕал суостаах долгуннара, үйэлэргэ халбарыйбат халыҥ хараҥа кэтэхэр муна-тэнэ сылдыар сулустара.

<sup>14</sup>Бу кинилэр тустарынан Адам кэнниттэн сэттис сүһүөх Енох эмиэ өтө көрөн эппитэ: «Көр бу, Айыы Тойон аата-ахса биллибэт сибэтиэй Аанһалларыныын кэлэн иһэр! <sup>15</sup>Айыы Тойон тийиэн кэлэн, барыларын дьүүллүөҕэ, итиэннэ кинилэр ортолоругар баар суута-сокуона суох быһыыланааччылар Тангараны билиммэккэ тугу быһыыламматтарын, Кинини билиммэт аһыылаахтар туох дьэбир тылынан утаран сангарбыттарын бүтүннүүтүн саралыаҕа!»

<sup>16</sup> Бу биир кэм сангалаах сылдыар, туохха да сөп буолбат, аньыылаах бабаларын батыһар дьон дарбааннаахтык тыллаһаллар, туһанар баҕаттан сирэй көрбөх быһыыланаллар.

### *Бйыы-кэрдии, сэрэтии*

<sup>17</sup> Оттон эһиги, таптыыр бырааттарыам, Айыы Тойоммут Иисус Христос Апостоллара тугу өтө көрөн эппиттэрин өйдүү сылдьың. <sup>18</sup> Кинилэр: «Тиһэх кэм кэллэбинэ, Тангараны билим-мэккэ, энгин кыдыктарын хоту кэрээнэ суох быһыыланар күлүү-элэк онгостооччулар баар буолуохтара», — диэн эһиэхэ этэллэрэ. <sup>19</sup> Бу хайдыһыыны таһаарар, аньыылаах дойду сиэринэн олорор дьонго Танара Тыына суох.

<sup>20</sup> Оттон эһиги, таптыыр бырааттарым, сибэтиэй итэҕэлгитинэн бэйэбитин бөбөрөгөтүнэн, Сибэтиэй Тыынынан үнэн, <sup>21</sup> Айыы Тойоммут Иисус Христос амарах санаатыттан биэрэр бараммат олобун кэтэһэн, Танара тапталыгар бигэ эрэлгитин энчирэппэккэ олорун. <sup>22</sup> Сорохторго, өйдөөн-дьүүлээн туран, амарахтык сыһыаннаһын, <sup>23</sup> оттон соробу улуу сэрэбинэн уоттан өрүһүйэн таһаарын, кинилэр имэннээх эттэрэ киртиппит таһаһын да таарыйартан дыксинэн туран, аньыыларын саралыыр буолун\*.

### *Алгыс*

<sup>24</sup> Эһигини охтууттан өрүһүйэн, энкилэ суох онорон, Бэйэтин Кэрэмэн Килбиэнин иннигэр үөрдэ-көтүтэ туруорар күүстээх <sup>25</sup> соботох Муударай\*\* Танара — Иисус Христос Айыы Тойоммутунан биһигини Быһааччы — айхаллаах албан аата, улуу кыаба, сүдү күүһэ, бараммат былааһа бары үйэ инниттэн, билигин итиэннэ үйэттэн үйэлэр тухары туругура туруохтун! Аминь.

---

\* 1:23 Сорох былыргы гректии илиинэн суруйууга «соробу, мунаарар өтүн, уоттан быһаан таһаарын; сороххо амарахтык сыһыаннаһын, ол гынан баран кинилэр имэннээх эттэрэ киртиппит таһаһын да таарыйартан дыксинэр буолун».

\*\* 1:25 *Муударай* — сорох былыргы гректии илиинэн суруйууга бу тыл суох.